



YEWHEHÓ OMẸ WINYANWINYAN LẸ TỌN

(MESSAGE TO THE YOUTH)

He yín didọ to azán ọtọntọ owhèsùn ọ́nẹnẹto,
owhè ọtọn-ẹnẹ-kẹnẹ-aotọ (1970) tọn mẹ to Klefẹdi,
gbọn ọvisunnu Ewald Frank dali

1 TẸSALONIKA 4:1-8

Humọ míwẹ to mì vẹ, mẹmẹsunnu, bo sọ to tùdohomẹna mì to Jesu Oklunọ mẹ dọ dile mì ko kẹloyí to mí de, le mì do nọ zinzonlin do, podọ nado wà onú he jlo Jiwheyewhe, mọwẹ mì ni to susudeji gege. Na mì yọn așe he hunkọ mí yí na mì lẹ gbọn Jesu Oklunọ mẹ. Na ehe wẹ ojlo Jiwheyewhe tọn, yèdọ jijowiwé mìtọn, dọ mì dapana ogalilọ: na omẹ dopodopo to mì mẹ nido yọn le é na zán onú zinzán etọn do to jijowiwe po yeyi po mẹ... (Darby)

YẸWHEHÓ OMẸ WINYANWINYAN LẸ TỌN

To otẹn ehe mẹ, kẹdẹdilẹ mí ko nọ dọ do to wheleponu, dọ, onú devo de ma dóna yín didọ adavo Ohó Jiwheyẹwhe tọn kẹdẹ. Omẹ dopodopo tindo jlojẹ nado dindona ede gbọn hinhọn Ohó Jiwheyẹwhe tọn tọn dali. E ma yín nado dókàndeji do yisenọ de go gba adavo do Owé Wiwé lẹ lọ go. E yín mí jlo nado to nukonyi to Jiwheyẹwhe nukon, mí dóna gbọ na Ohó Jiwheyẹwhe tọn kẹdẹ ni plán mí. Yèdọ patakli, to asiko he mẹ mí tin te he, to dandanmẹ nado nọ Jiwheyẹwhe mẹ. Enẹ lọ boawu nado tin to Ohó Jiwheyẹwhe tọn mẹ. Ewọ he tọnjẹgbonu sọn Ohó Eton mẹ, ma tin to Ewọ mẹ gba, mí tindo kàndeji to wheleponu nado nọ sè dọ Ohó Jiwheyẹwhe tọn wẹ kàndeji nugbo lọ, podọ densolẹ mí tindo kànṣiṣa po Ohó lọ po whenenu wẹ mí tin po Jiwheyẹwhe po. Ewọ he ma tindo kànṣiṣa po Ohó Jiwheyẹwhe tọn po, ma tẹ sọgan tin po Jiwheyẹwhe po gbede. Ehe lọ to didóhia dọ ohókànbio ma sọ tin to mepope de ba.

To whejai he, mí mágbè nado dọhó nugbonugbo hlan jounjoja míton lẹ. Enẹwutu núdele tin he yè didóai di núplónmẹ de, podọ mí omẹpó sọ yí yé sè, podọ mí omẹpó sọ kealoyi yé, podọ mí sọ yise nugbonugbo dọ jounjoja lẹ ma dóna gbẹkọ sọn enẹ lọ go gba, ṣigba yè dóna goalona yè dogbọn hókànbio vivẹ ogbè lọ tọn tọn dali, mí sọ yise dọ aloṣo nẹ lọ na sọn Jiwheyẹwhe de wá, eyín yé jò yéde bo yín pinplán gbọn Ohó Jiwheyẹwhe tọn dali. Tofi, ohó de tin to Owé PSALM 119:7 tọn mẹ. Mí na hẹnsọn afọ ṣinawetọ lọ.

Yen na nọ yi tenogligli ayiha tọn do na opẹ hlan we, whenuena yen plon whèdida dódónọ towe lẹ. Yen nọ payi oséndoai towe lẹ go: A gbé mi dai gbidigbidi blo. Ete yoposunnu de nado kló aliho eton ? gbọn awuhihọ hlan en dali kẹdẹdi ohó towe. Ayiha lepo pete wẹ yen do to dindin we: Adike yen dánbu sọn gbèdide towe mẹ blo. Ayiha ṣie mẹ wẹ yen yi ohó towe whlá do, na yen nikã wàylan do we. Donanọ wẹ hiẹ, Oklunọ; Plon oséndoai towe lẹ mi. Onùflo ṣie wẹ yen do la whèdida onù towe mẹ tọn lepo. Yen ko to ayajẹ to

aliho aṣḗdai towe lẹ tọn ji, dile é te to adọkun lẹpo mẹ. Yẹn na nọ to ayi-hamẹlẹnpọn to ogbèdai towe lẹ mẹ, bo sọ nọ dayi aliho towe lẹpo go. Yẹn na nọ na homẹhùnhùn dẽ to osẹndoai towe lẹ mẹ. Yẹn ma na wọnji ohó towe go gba.

Ohó vivẹ lọ wẹ yín afọ ṣinẹnẹtọ lọ (9) « Ete yọpọsunnu de nado klọ aliho etọn ?» Gblọndo lọ wẹ yín dọ, « gbọn awuhihọ hlan ẹn dali kẹdẹdi ohó towe. » Dogbọn whejijọ ohókànbìọ he yè ko hẹnwá ofi to nọvisunnu lẹ ṣenṣen to ojẹ godo tọn he mẹ, yẹn tindo to ayiha ṣie mẹ nado dọhó onú he sọgbè de tọn hlan yisenọ de, dogbọn aliho he mẹ mí sọgan mọdona lé mí dóna kavi lé mí na nọ basi onú lẹpo do to osi de mẹ. Bé mì mọdona ? Na yẹn lọsu tọn ayiha ṣie to zoji, na e ma bọawu nado dọhó gba, to whenuena omẹ neḷẹ pọ ko tin to aisinsin tofi, mẹhe sọgan dáwhẹ hógán yẹn. Ṣigba to núnýọnen dagbe ayiha ṣie tọn tọn mẹ, mí jlo nado hia onú deḷẹ jẹ to Owé Wiwé lẹ mẹ. E ma yín nado hẹn whẹdidá wá gba, kavi nado dleñalọdó, adavo nado gọalọna, na mí nido pégó nado dọn núplọnmẹ de jẹgbonu. Podọ yẹn yise dọ, mí mẹhe ko tin to gbẹ to asu po asi po yínyínmẹ lẹ, ko mọdona dọ gbèmímá titegbè vivẹ awe wẹ tin ehe kàn ogbè mítọn: Tintan wẹ yín, gbèmímá mítọn hlan Jesu Klisti yèdọ gbèmímá he kọn mí dopọ po É po, e ma yín hlan ojẹ de poun gba, ṣigba yèdọ kakadoi. Gbèmímá awetọ wẹ yín, omẹ awe he tindo kànṣiṣa na ogbè ninọ yetọn lẹ; gbèmímá lọ nọ yín bibasi sọn omẹde ji do jẹ omẹ awetọ ji.

Nado gbawhàn tukla lọ tọn, mì gbọ na ehe ni yín núvivẹ de na omẹ lẹpo he jlo nado basi gbèmímá awetọ he, mì gbọ ni yín bibasi to odẹ mẹ, to godo he é lẹnú do e ji dagbedagbe, to kàndeji lẹpo mẹ matin mayise depope. Ewọ he na biọ núwiwà he mẹ po mayise po, basi núṣiwà daho de hlan ogbè ede tọn. Omẹ lọ whenuena é mọ yí gbèmímá etọn, enẹgodo ewọ sọ ṣẹ adusi po amiọn po pọn hlan, kavi mọ whanpenọ de, bo sọ ṣẹ kòlẹpé hlan fi podọ hlan dọn nado pọn , podọ nado zé ode jledó ode go, podọ to vivọnu nado sọ wọ núlẹnpọn, dọ omẹ he lọ ma kó

wá whinwhẹn mẹ nado bé gbeji zonlin asu po asi po tọn gba. Bé e ma yín whenuena mí tindo kàndeji pipé nugbo lọ, matin gbèdido gbonu tọn, na enẹ wẹ awetọ lọ; ẹgba dogbon kàndeji nugbo lọ he Jiwheyewhe kẹde sogan zé do ayiha mẹ na omẹ, na fiṅe lọ kẹde wẹ mì dójlojẹ nado pé he tukla he nọ pannukọn omẹ to aihon mẹ mahànú, podọ to whenenu, kẹdedilé mí to sisè to kòndopọ mẹ, mí sogan do, do, mí na zònpọ “kaka jẹ opòdo aihon tọn”.

To azán neḷe mẹ, mí yín pinplán sọmọ bọ, núhe yè dóna dohia bo sọ yín hinhenṣe kẹdedi Biblu, enẹ lọ dóna yín zizédo titò mẹ kẹdedi Biblu. Enẹwutu, ohókànbio hlan omẹ winyanwinyan míton le wẹ yín do, nawẹ onú heḷe dóna yín zinzándó to ahóludu Jiwheyewhe tọn mẹ? Do ayi e go, yẹn jlo do mì ni yọnen do, yẹn ma to owhègbledo omẹ depope gba, do, eyín yẹn dègbè dinvie do, devizónwàtọ Jiwheyewhe tọn de kavi yewhehódoto togùn he ma to mēdeglọ tọn de, matin to fiṅe poun nado dègbè dona tọn kẹde gba, ehe lọ sọ tin hlan agùn mēho le ga, ẹgba yé sọ tin to fiṅe nado nọ ná ohónámẹ le omẹ to ojle he mẹ gbemimá de wá sọawúhia to omẹ awe ṣenṣen. Do ayi e go, e ma sọgbe nado to didọ, do, ojle na wá bọ mí na wá kenù do ohó le lọ go gba, to mọ wiwà mẹ, yé na to owhèjijo alopa dele ná, yèdo ehe ma hen omẹ nado tindo kàndeji pipé to Jiwheyewhe de, do, núhe yè ko do to nukon to ofi to azán alọwiwlé tọn gbè, sogan yín didọ nuognugbo to Jiwheyewhe nukon. Podọ eyín to oten he mẹ to ofi, kavi to ofi devo le, na yè wlán do: “na gbẹde depope ni ma klán núhe Jiwheyewhe kòndopọ blo”, enẹ lọ to didohia to ninòmẹ de mẹ do, mēhe dègbè ohó neḷe tọn ko mọ do, Jiwheyewhe de wẹ kòndopọ he lọ sọn. Ẹgba eyín e wá jò to alo de mẹ kavi to devo mẹ, whenenu yè sogan dọhó neḷe, na enẹ lọ dóna yín didọ. Ẹgba e ma dóna yín mọ to whepoponu gba.

Na mí tin nado yí linlen míton do dègbè núdepope tọn to oten he mẹ to awubibọ mẹ. Ẹgba núhe mí to didọ to ofi, mí na wá whèdo to Jiwheyewhe de, to kàndeji de mẹ do, mọwẹ. Yẹn ma to ehe do to dinvie,

na mí jlo enẹ lọ na omẹ de gba, kavi mí to núde zé whlá gba. Şigba to vlẹkẹsi de mẹ, e tin to ayiha şie mẹ ma na do dọhó do onú he ko jọ wáyì lẹ go gba, şigba do ehe na wá jò lẹ go, nado táhinhón do ninòmẹ he jẹ na ovi Jiwheyẹwhe tọn lẹ tọn ji whladopo.

Do ayi e go, mí mọdona lé onú lẹ te to aihọn mẹ. Şigba mí ma yín aihọn he tọn gba, kẹdẹdilẹ mí nọ hia ẹ dó to Owé JOHANU 17 tọn mẹ. Na Oklunọ Jesu dọmọ: *“Yé ma yín aihọn tọn gba, dilẹ yẹn ma yín aihọn tọn dó”*. Podọ na mí wá ohóta he ji wutu: Mì yọnẹn dọ owéfo dele dọhó do e ji, mọwẹ e ko sọ te sọn whéwhénu aihọn tọn, dọ, Jiwheyẹwhe ko kọn mẹhe jẹ hẹ yénozo lẹ dopọ, yèdọ ode hlan awetọ. Mí sọ yọnẹn hézéhézé dọ mẹhòba po awufiẹsa po tin to ninòmẹ he lọ mẹ to sunnu lẹ mẹ. Podọ whenuena yè basi didè he ma sọgbè, yè sọgan dòn awufiẹsa susu do ogo, yèdọ ehe mẹdepope ma sọgan wójlado gba. Enẹwutu, yẹn jlo nado hia ohó he tin to Owé 1 TĚSALONIKA 4:1 tọn do ohóta he lọ ji, dọmọ:

“Humọ míwlẹ to mì vẹ, mẹmẹsunnu, bo sọ to tùdohomẹna mì to Jesu Oklunọ mẹ, dọ dilẹ mì ko kẹloyí to mí de, lé mì do nọ zinzonlin dó, podọ nado nọ wà onú he jlo Jiwheyẹwhe, mọwẹ mì ni to susudeji gege. Na mì yọn aşẹ he hunkọ mí yí na mì lẹ gbọn Jesu Oklunọ mẹ. Na ehe wẹ ojlo Jiwheyẹwhe tọn, yèdọ jijowiwé mìtọn, dọ mì ni dápana ogàlilo; na dopodopo to mì mẹ nido yón lé é do nọ zán onú zinzán etọn dó to jijowiwé po yeyi po mẹ; e ma yín to wantúntún mẹ gba, yèdọ di Kosi he ma yón Jiwheyẹwhe lẹ: mẹdepope wà ylando blo, é sọ klọ mẹmẹsunnu etọn to núdepope mẹ blo: na Oklunọ wẹ ahósúyitọ to onú helẹ ji wutu, dilẹ mí dọ na mì jẹnukon, bo sọ to kuundèna ga. Na Jiwheyẹwhe ma ylọ mí do mawé kọn gba, adavo do jijowiwé mẹ. Enẹwutu, mẹdepope he to omẹ vlẹko, é ma to gbẹtọ vlẹko gba, adavo Jiwheyẹwhe mẹhe yí Gbigbo Wiwé etọn na mí ga”.

(Biblu Janman tọn dọ to afo 4 lọ dọmọ: *“na dopodopo mìtọn ni yón lé é na nọ zán hẹ aşì etọn dó to jijowiwé mẹ...”*).

Do ayi e go, mí omẹ pọ jlo nado hẹn homẹ Jiwheyewhe tọn hùn to onú popo mẹ, kẹdẹdilẹ mí ko dọ dó jẹnukọn, po oyọnẹn mítọn po podọ po linlẹn mítọn lẹ po ga. Podọ yẹn sọ to didọ whladopo dogọ, dọ, mí ma sọgan súsú ojẹ he wáyì lẹ gba, ẹgba mí sọgan gọalọna mídele bo sọ gọ ojẹ he já lẹ do alọ Jiwheyewhe tọn mẹ po yise po, sọmọ bọ whẹpo depe winyanwinyan de nado dè linlẹn he sọgan yín alokeyí de tọn, na ewọ ni hodẹna ojẹ susu whẹpo é nido dọhó, na whenuena ewọ na dọhó, omẹ he wutu ewọ do dọhó ma nado tin to wuwlu mẹ gba, podọ ewọ ni yọnẹn dọ enẹ lọ ma yín ayinhunnú de gba, ẹgba onú titegbe de wẹ enẹ lọ yín. Yẹn ma yise dọ, depe winyanwinyan de sọgan magbẹ nado to ohọn susu húhú gba, ẹgba adavo na ewọ ni mọdona dọ, whẹpo ewọ nado húhú ohọn de, yèdọ yè dóna hùn hlan ẹn. Mọwẹ e bọawu dó nado basi, podọ Jiwheyewhe dóna ná mí jomion nẹ lọ. Jẹnukọn, yẹn lọsu tindo, (podọ enẹ lọ sọgan sọawúhia di meşanko to dinvie) ẹgba yẹn dọhó hlan otọ sie lọsu to whenuena ojẹ lọ wá, yẹn dọhó po é po bo sọ kànhóbiọ ẹ. Mì sọgan dọ, dọmọ, «Bé nugbo wẹ, Nọvisunnu Frank è, bé enẹ lọ to dandanmẹ wẹ ?» Na yẹn tọn, mọwẹ, podọ hlan mí mẹ pọ he tindo sisi na mejitọ mítọn lẹ. Podọ Biblu sọ dọ enẹ lọ na ohia ojẹ godomẹ tọn, dọ, ovi lẹ na yín tólivetọ na mejitọ yetọn lẹ. Ẹgba yín mí tindo ovi yisenọ lẹ, whenẹnu mí sọgan biọ sọn yé de dọ yé ni yín tónusètọ to onú lẹpo mẹ, podọ Jiwheyewhe Lọsu sọ tindo jlojẹ nado yí yé na mí. Podọ mejitọ lẹ ni din onú dagbe na ovi yetọn lẹ, podọ whenẹnu, whenuena ojẹ whinwhẹn pipé lọ wá na ovisunnu depe de, e ma yín sọn owè fọtọn kavi fọtọnnukundopo gba, ẹgba yedọ húgan mọ, kakajẹ whenuena ewọ ko mọ dọ, é tindo kàndeji pipé bo ma jlo nado nọgbẹ na ede kẹde gba- podọ tofi yẹn jlo nado dọ gbaungba whladopo dogọ, dọ, na mí he yín yisenọ lẹ tọn, todido nado vọ asi dà yín onú he nọ hẹn ayiha yín awutunọ, enẹ lọ yín winwlan to Owé HOWHINWHẸN tọn lẹ mẹ, (HOWHINWHẸN 13:12) ovi sunnu depe de dóna yín whinwhẹn to jounjojayínyín etọn mẹ to owè lẹ mẹ po onú devo devo lẹ po yèdọ to linlẹn hele mẹ. Adavo dọ, azán lọ

ni wá bọ yé na wa mọdona onú lọ podọ nado lẹnpón. Yín e ma yín mọ, ewlọsu na zé ede biọ tukla sinsinẹn de mẹ to oklé po ozán po, bo nasọ de onú ylankan lẹ po avùn lẹ po, bo ma na yón lé é na basi linlẹn etọn lẹ do ba, podọ yonnu lọ (linlẹn lọ) na yín wuwlu, na é nọ nògbè to oyónẹn etọn podọ to madoyónẹn etọn mẹ gbọn linlẹn etọn lẹ dali. Enẹwutu yè nọ tin to jinjanmẹ po linlẹn heḷe po to whenuena ojḷe lọ wá, enẹ lọ sọ tin na nọvisunnu lẹ e ma yín hlan nọviyonnu lẹ gba. Na nọviyonnu lẹ ma dóna yín jinjan na linlẹn heḷe gba, ẹgba ewọ dóna nọte kakajẹ whenuena omẹ de na wá biọ alọ etọn. Podọ whenẹnu, ojḷe de nasọ wá bọ ayiha etọn na tin to tukla mẹ. Owhejijo tẹwutu wẹ mí dóna yí onú heḷe di aliho de to aihon mẹ, nado zé dewe lọsu do tukla sinsinẹn mẹ to zẹde de gḷọ, yèdọ to ogḷọ agbànpinpen he yè ma pégo nado tùn mède dote sọn e mẹ, po ohókànbíọ ma do alọ te he po: dọmọ, «Nawẹ e bọawu dó?» Ẹgba yín yé wá ganpipẹmẹ, whenẹnu wẹ yé na tin to gbèsisomẹ nado dóakonna tukla he to e mẹ lẹpo.

Do ayi e go, nọvisunnu lẹ tin to fiṇe to ohó lọ didọ whenu, whenuena nọvisunnu amẹlikanu lẹ podọ omẹ delẹ po tin to ofi he dḷenalọdo ohó he nọvisunnu Branham dọ dogbọn ohóta he lọ tọn dali. Ewọ sọ dọ to fiṇe lọ dọ, (yẹn lẹn dọ yẹn ma sọgan dọ núhe yè sọgan dọ lẹpo gba, na whladopo gẽ wẹ yẹn na dọ ẹ hlan jounjoja lẹ). Ẹgba pagbe he ovisunnu depe yisenọ de tindo ma yín núhe mède sọgan dopa etọn to egbé bo nasọ diọ ẹ to osọ gba. Do ayi e go, to ninomẹ lẹpo mẹ, “mọwẹ” míton dóna yín “mọwẹ”. Podọ whẹpo mēdepope nado dọ “mọwẹ” mọhunkọ tọn, e jẹ dọ kándẹji lọ ni tin to fiṇe. Podọ yè ma sọgan yígbè etọn jenukọn, adavo eyín yè ko dọhó etọn he mejitọ lẹ whé...

Whẹpo yè nado dọ ẹ hlan agùnmẹho agùn lọ tọn lẹ, kándẹji lọ dóna ko tin to ayiha míton mẹ dote. Do ayi e go, ehe lọ ma sọgan sọawúhia adavo yè hodẹ vivevive sọmọ bọ ehe lọ na wá lẹzùn núvive de podọ magbojẹ de hlan omẹ lọ, bọ ewọ nasọ yónẹn dọ, ojḷe lọ ko sọ, bọ mì na wá mọ dọ mì ko mọ mẹhe to linlẹn po kándẹji de po, dọ, yẹn na nọ hẹ omẹ

he lọ, whenenu wẹ̀ mì na tindo kándeji gbigbọ̀ ọn de to mì mẹ, to lẹ̀do mìton podọ̀ mẹhe e kàn lọ. Enẹ̀ lọ ma yín ẹnpon de gba, kavi avididla gba, kavi whinwhan de gba, ẹ̀gba kòndopọ̀ he sọ̀n Jiwheyẹ̀whe de wẹ̀. Whenenu wẹ̀, yẹ̀ sọ̀gan dọ̀ po kándeji pipé depo dọ̀mọ̀, “Na mì dike mẹ̀depope klán núhe Jiwheyẹ̀whe kòndopọ̀ blo.” Mọ̀wẹ̀ na mẹhe na jlo nado klán yé, ma sọ̀gbè gba, yín eyín dọ̀ Jiwheyẹ̀whe wẹ̀ kòn yé dọ̀pọ̀. Enẹ̀wutu, nado gbawhàn tukla lẹ̀ ọn, mí dóna nọ̀ mọ̀ ga. Nado dọ̀ titegbe dọ̀, gbènimá he mẹ̀de ma sọ̀gan má to egbé bo nasọ̀ gbé ẹ̀ to osọ̀ gba, ẹ̀gba alẹ̀nù de wẹ̀ kẹ̀dẹ̀dilẹ̀ yẹn ko dọ̀ dó dai.

Do ayi e go, gbènimá titegbe awe delẹ̀ wẹ̀ tin to taji. Tintan wẹ̀ yín gbènimá de hlan Jesu Klisti, na mí na tin po Ewọ̀ po to Madopòdo mẹ̀ wutu. Ẹ̀gba gbènimá awetọ̀ he yín onú hoakue gbẹ̀zán kòndopọ̀ ọn ọn, gbènimá de wẹ̀ podọ̀ didè de he mẹ̀de basi na omẹ̀ he na wá nọ̀ he. Do ayi e go, to gbènimá helẹ̀ mẹ̀ vò, devo depope matin to aihon mẹ̀ ehe sọ̀gan pẹ̀nzín na gbẹ̀tọ̀ nado hẹ̀n wá odẹ̀ mẹ̀, po ovejivẹ̀ po, po vivenu dido po to Jiwheyẹ̀whe nukon. Do ayi e go, yẹ̀ sọ̀gan diọ̀ gbènimá devo depope he ẹ̀gagodo ehele. Eyín yẹn mágbè nado hò mọ̀to to egbé, yẹn sọ̀gan mágbè nado hò devo to osọ̀. Na gbènimá dopodopo he yẹ̀ mágbè eton sọ̀gan yín hinhengble kavi yín didio, yín e tẹ̀ yín dọ̀, akuẹ̀họ̀ wẹ̀ kavi lala, ẹ̀gba yẹ̀ sọ̀gan wà ẹ̀. Ẹ̀gba gbènimá hlan Jesu Klisti, yèdọ̀ ehe yín bibasi to Jiwheyẹ̀whe nukon, podọ̀ po Jiwheyẹ̀whe po , enẹ̀ lọ tin to ote kakadoi. Na yẹ̀ wlánwé eton dọ̀, *“Yẹn bo nasọ̀ dà we hlan dẹ̀ kakadoi: mọ̀wẹ̀, yẹn na dà we hlan dẹ̀ to dódó mẹ̀, podọ̀ to whẹ̀dida mẹ̀, po to dagbewanyin mẹ̀, podọ̀ to lẹ̀blanu mẹ̀”* (HOSEA 2:19-20). Enẹ̀ wẹ̀ núhe Jiwheyẹ̀whe ko dọ̀ hlan omẹ̀ Eton lẹ̀.

Onú devo he bọ̀doego wẹ̀ yín dọ̀: Etẹ̀wẹ̀ onú he jẹ̀ na omẹ̀ winyan-winyan lẹ̀, to whenuena yé sọ̀awúhia nado sè Ohó Jiwheyẹ̀whe ọn, podọ̀ whenuena yé tónjẹ̀gbonu sọ̀n sinsẹ̀nhọ̀ lọ mẹ̀? Mí yín finfinyon bọ̀ e ma yín sọ̀n aga kẹ̀dẹ̀ gba, ẹ̀gba sọ̀n amiyon mẹ̀, sọ̀n adusi mẹ̀ podọ̀ sọ̀n ofi popo. To okle whenu, whenuena nọ̀visunnu lẹ̀ tin to ofi,

yẹn dóakonna ohó he yè dọ hlan mi lẹ ọn, dọ, jounjoja fọtòn-nukun-
 ẹnẹ sọn mí mẹ, mí nado dọ e ma yín sọn ofi gba, yè hẹn yédele dọ
 ninòmẹ he ma sọgbe de mẹ, yèdọ kaka jẹ oṭen he mẹ ga. Whenenu e
 ma ọawúna mí lala, mì mẹvive míton jounjoja lẹ emi, mì túnwun
 núhe mí to didọ hlan mì go. Na mì wẹ whendo he Jiwheyewhe ko ylo
 ga, bo sọ yinwanna di míwle, kavi di ehe ja ọn. Şigba to owhe Ji-
 wheyewhe ọn gbè, e jẹ dọ, sisi po budisi po ni dùaholu to Ji-
 wheyewhe nukon podọ to Ohó Etọn nukon, podọ hẹ núhe tin to kòn-
 dopọ mẹ hẹ Ohó lẹpo po. To sinsen godo, yè ma sọgan ọn jẹ alihoto
 nado to ohógbè nulunọ lẹ ọn zán ode hlan awetọ gba, kavi zán ninòmẹ
 he hunkọ ọn lẹ gba. Enẹ lẹ ma jẹ gba. Do ayi e go, whenuena mì mọ
 gbẹtọ lẹ tónjẹgbonu sọn sinsènhò mẹ, bo ma hẹn gbèdido de tón jẹ-
 bonu gba, bọ yé sọ tónjẹgbonu to abọeninọ de mẹ, na yé ko kẹloyí ohó
 lẹ, bo zé e do yédele mẹ nado to linlen ẹn pón, enẹ lẹ yín tónumase po
 yeyi madó po nado mọ dọ, núhe ma sọgbe lẹ yín didètón jẹgbonu to
 oṭen he lẹ mẹ. Enẹ lẹ ma yín ałọkeyí de hlan yisenọ lẹ bo sọ yín vivi de
 hlan yé he yè na zé yi lẹ gba, he tindo gbọdeme nado sèn Jiwheyewhe,
 podọ nado sọ tin to apáwhé Etọn lẹ. Mì do ayi e go, dọ, ojle po whenu
 po, podọ oṭen lẹ ga tin na onú popo. Şigba oṭen he lẹ tin nado sè Ohó
 Jiwheyewhe ọn kẹde. Enẹwutu, yè dóna nọ wá finẹ bo nasọ nọ légò
 matin nukiko gba. Do ayi e go, eyín jounjoja lẹ tindo ohó de nado dọ
 to yédele mẹ, whenu whiwhla de tin na enẹ lẹ nado yín didọ, eyín
 enẹ lẹ yín núvive de, na yè nido dọhó depope kavi bo sọ wà núde-
 pope. Şigba jẹnukon, mì dóna kànhóbiọ mìnzo lẹ, dọ: Eyín gbẹtọ lẹ
 mọ mí, lé mì to tintónjẹgbonu dó, (bọ aliho lẹ wá lezùn oṭen núwledọ
 ọn de), etẹwẹ omẹ nele na len lò? Bé mì len dọ, omẹ nele sọgan wá ohó
 he mẹ nado wá sè Ohó Jiwheyewhe ọn he whladopo dogo? Lala, na
 to vlẹkesi de mẹ, mí dóna dawhèna mìnzo lẹ losu, bo nasọ ylo Ji-
 wheyewhe po ayiha míton lẹpo po na Ewọ nido gọalona mí to ninòmẹ
 he lẹ mẹ.

Şogan, mì mọdona hézéhézé dọ: míwlẹ wẹ omẹ godogodo tọn he jlo nado do agbàn pinpen na omẹ, yèdọ ehe míwlẹ lọsu ma tẹ sogan hen gba. Şigba yẹn yise dọ, ojẹ ko wá nugbonugbo (eyín mí yín jounjoja kavi mẹho) na mí nido payi ma nado gbleawuna mède kavi hen omẹ depope dahli gba, şigba nado yín dona de gbọn ojomiọn Jiwheyewhe tọn tọn mẹ. Podọ whejijọ nẹ lọ wutu mí jlo dọ, núhe yè na dọ to ofi to dinvie, ni yín domona kavi tuntunmẹ di wọhẹ de, podọ to vlẹkẹsi de mẹ dọ Oklunọ de wẹ ehe sọn wá, yèdọ Mẹhe yinwanna mí bo sọ jlo nado wọhẹ mí.

Do ayi e go, mí tindo jlojẹ titegbe na jounjoja nado zán huhlọn yeton he Jiwheyewhe ko ná hlan yé lẹ, eheton yín nado jihàn, kavi nado hò ohún to klandowiwé mẹ podọ to wiwé mẹ to Jiwheyewhe nukon. Podọ kẹdẹdilé mí ko dọ dó dote: whenuena ojẹ enẹ lọ tọn na sọawúhia, whenenu wẹ mì ma na yín homemahunnọ gba. Şigba ehe lọ yín núhe madó túnmẹ de na sunnu owhe fọtọn-nukun-dopo (16), kavi fọtọn-nukun-awe (17), kavi fọtọn-nukun-aton (18) tọn nado góna linlẹn hejẹ, enẹ lọ ma ko tindo kándeji de to bibasi mẹ gba. Whenenu wẹ gbẹto nọ zé ede do awubla daho lẹ mẹ. Bé mẹnụ wẹ na wá dè mì sọn yé mẹ? Enẹwutu, mí jlo na zán whenu míton lẹ podọ to wiwà mẹ, dẹn-solé onú he pò lẹ ma ko biọ titò mẹ to linlẹn mẹ gba. To whenenu, mí tindo whenu susu nado dọ núhe tin to nukon na mí lẹ tọn.

Mì sogan dọ, dọmọ: “Bé mọwẹ e jẹ dọ e ni yín nugbonugbo?” Do ayi e go, omẹ godogodo tọn wẹ yẹn, kẹdẹdilé yè ko dlenalodo dó, nado ná oséndoi he yè zédai na whèta de tofi, şigba yẹn ma sogan basi jeagọ gba. Na yẹn ma tindo huhlọn de gba. Etewutu wẹ mí nado jẹtukla na onú yaya lẹ whenuena e ma jẹ? Podọ kẹdẹdi linlẹn he ayiha míton tin to ogbè na, yèdọ ehe agbasa míton to pinplán. Na fiñe wẹ tukla lẹpo nọ sọn wá, na enẹ lọ kẹdẹ tọn wutu. E ma yín dọ, omẹ de nọ zán linlẹn eton lẹ to ninòmẹ dagbe de mẹ wutu gba, kavi nọ zán yé dómọ po huhlọn eton lẹ po gba, şigba ewọ nọ len núhe ma jẹ dọ é ni wà. Enẹ

lọ wẹ nọ hẹn ẹn biọ tukla lẹ mẹ. Enẹwutu, Owé Wiwé lẹ do do dólé dọmọ. «*Na ehe wẹ ojlo Jiwheyewhe ọn, yèdọ jijowiwé mítọn, do mì ni dapana ogàlilo: na omẹ dopodopo to mì mẹ nido yọn le é na zán onú zinzán etọn do to jijowiwe po yeyi po mẹ e ma yín to wantúntún mẹ gba, yèdọ di kosi he ma yọn Jiwheyewhe lẹ*» (1 TĚSALONIKA 4:3-5).

Ohó Jiwheyewhe ọn wẹ mí omẹ pọ dóna yidóna, mí ma dóna nọgbè to linlẹn helẹ mẹ gba, podọ ma nado dike do ojlo nele ni to nukonyi na yé ni do dógán to mí ji gba. Şigba kẹdẹdilé yè wlán enẹ lọ do, «*to jijowiwe po yeyi po mẹ*» To nukọn Jiwheyewhe Húhlọnnọ ọn. Mọkẹde wẹ dóna po dagbewanyi Jiwheyewhe ọn po na tin to gbẹtọ lẹ de mẹhe onú helẹ kàn.

Yè sọ vọ ẹ wlán do, «*É sọ klo mẹmẹsunnu etọn to nudepope mẹ blo*» (1 TĚSALONIKA 4:6), na Jiwheyewhe na yi ahọsu onú lẹpo ọn. Na mẹdepope ni ma ylanwẹ to ninọmẹ nẹ mẹ blo. Eyín mì yise kavi mì ma sọ yise, şigba ylando titegbè lọ wẹ enẹ. Satani sọgan basi nado jò mí do nado gbọn onú devo lẹ mẹ matin ayijijẹ mítọn? Şigba ewọ to tintẹnpon nado hẹn mí jai. Na enẹ lọ ọn dali wẹ ylando po homẹgble Jiwheyewhe ọn po do tin to gbẹtọ lẹ pọ ji. Podọ enẹ lọ mẹ wẹ whlepón to awúsohia te, podọ enẹ ọn wutu wẹ Paul, whenuena yè dọn ẹn gbọn Gbigbọ Wiwé mẹ, ko ná pahónámẹhó nele. Tintan ọn, ohó lọ wẹ yín dọmọ, “*Na ehe wẹ ojlo Jiwheyewhe ọn, yèdọ jijowiwé mítọn, do mì ni dapana ogàlilo*” (1 TĚSALONIKA 4:3); Paul mẹhe yín dindọn gbọn Gbigbọ Wiwé mẹ dẹgbè enẹ lọ ọn. Ewọ sọ do kẹdẹdi mẹhe yọn owé, dọmọ: “*Na mì yọn aşẹ he hunkọ mí yí na mì lẹ gbọn Jesu Oklunọ mẹ*” (1 TĚSALONIKA 4:2). Enẹ lọ tin to Ohó Jiwheyewhe ọn mẹ. Na núhe tin to Owé Wiwé mẹ lẹpo wẹ núplónmẹ de na yé he to Jiwheyewhe sẹn lẹpo bo sọ yín Etọn lẹpo. Enẹwutu, eyín mí tin po Ohó Jiwheyewhe ọn po, dilé mí ko hia dó, whenenu onú lẹpo na yín dagbe hlan gbẹzán mítọn.

Do ayi e go, mí ma nọ basi gbèmimá de, na mèdevo lẹ ko yí na mí wutu gba, ẹgba to ofi, omẹ awe na basi gbèmimá bo nasọ yọnen dọ, ehe wẹ ali Jiwheyewhe tọn hlan mí. Whenenu mèdepope ma sọgan glónalina mí gba. Ẹgba nado tindo kándeji de, dọ, gbèdé e ma na yín núsiwà de to whenuena yọpọ lẹ do linsinsinyẹn yetọn hia hlan mejitọ yetọn lẹ gba. Podọ eyín mí ko nọ dọhó onú alopãlọpa lẹ tọn po mejitọ míton lẹ po dote, bé e ma jẹ dọ, mí ni sọ nọ dọhó hlan yé dogbọn gbèmimá he yín onú titegbe gbèzán míton tọn dali? Bé e ma sọ jẹ dọ, mí ni tindo kándeji de to yé he Oklunọ Jiwheyewhe zé do mí ji nado nọ dọ yẹwhehó Ohó Eton tọn hlan mí lẹ mẹ? Do ayi e go, eyín mí jlo nado yín Togùn de, yèdọ Ehe ji dona Jiwheyewhe tọn sù te talala, bé whenenu onú neleşu dóna yín zizédo titò mẹ bo nasọ tin to otẹn yetọn lẹ mẹ, na omẹ depope ma nado yín onú ahlidida tọn to núdepope mẹ gba, ẹgba na wanyi pipé ni dùahọlu to mí mẹ. Podọ to aihon mẹ, e jẹ dọ, mí ni yín ohia de, na mí ni sọ yín póndego hlan ovi míton lẹ, podọ na enẹwutu, Jiwheyewhe na ná mí jomiọn Eton susugege.

To vivonu, yè wlánwé eton dọ: *“Na Jiwheyewhe ma ylo mí do mawé kọn gba, adavo do jijowiwé mẹ”* (1 TĚSALONIKA 4:7). É sọ to nukonyi to onú winwlan eton mẹ, domo: *“Enẹwutu, mèdepope he to omẹ vlẹko, é ma to gbẹtọ vlẹko gba, adavo Jiwheyewhe mēhe yí Gbigbọ Wiwé eton na mí ga”* (1 TĚSALONIKA 4:8). Paul sọ wlán ohógbè deleş dogó dogbọn ohóta he lọ tọn dali to Owé 1 KOLINTINU 7 tọn mẹ. Mì omẹ pó wẹ mọdona owé he lọ. Yẹn ma jlo nado dẹn to owéfo he lọ ji gba. Ẹgba yè wlán to Owé 1 KOLINTINU 7:37 tọn mẹ, domo: *“Ẹgba omẹ he nọte gligli to ayiha eton mẹ, bo ma tindo, mananomawà, ẹgba bo tindo huhlọn to ojlo eton titi ji, bo ko sọ mágbè eton dó mọ to ayiha eton mẹ dọ é na whla awfli eton, wẹ wàdagbe”*. Mēhe hia enẹ lọ, na mọ hézéhézé dọ to gbagbla mejitọ lẹ po oviyonnu yeton lẹ po tọn wẹ, mejitọ lẹ tọn wẹ nado mágbè yeton dọ, eyín yé na yí viyonnu yeton na omẹ de kavi lala. Na e ma yín lé míwle nọ len dó to egbé gba, dọ, oviyonnu lẹ sọgan mágbè núhe yé jlo tọn kavi

dilé yé jlo dó, adavo na yéwle nido dotó gbènimá mejitọ yeton le ton ton, bo nasọ whiwhe yédele hlan Jiwheyewhe po Ohó Eton po.

Do ayi e go, yè wlánwé to ofi do, e sogan yín do yen na hia afo eton fọtòn-nukun-dopotọ (36) jenukọn, ehe domọ: “*Şigba eyín sunnu de len do é ko wànú yìndo hlan awhli eton go, eyín é ko zè owhe eton go, eyín e je ni yín mọ, mì gbọ é ni wà onú he é jlo, é ma wàylando gba...*” Dinvie, etewẹ oviyonnu míton le na do to egbé, eyín mí do hlan yé do: “mí ko mágbè ma nado ná mì hlan alowle gba.” To ayitonhongbè, yé na zlon sọn ohonta aga. Şigba etewẹ Ohó Jiwheyewhe ton to dido? Dinvie, mí ko mọ lé mí den do Ohó Jiwheyewhe ton do. Egbé, omẹ winyan-winyan le nọ dodo, “míwle tindo oyonen hugán omẹ hohó míton le, bọ míwle nasọ yí popolepo zán.” To enẹ lo godo, etewẹ nọ wà jò? Tukla alopãlopa le nọ soawúhia. Enẹle depope ma so sogan soawúhia ba, adavo mí wá doten he me Ohó Okluno ton yín tonusèna. Na to vlekési de me, mí ma dóna do, domọ: “Mowẹ, na yen yise to Ohó Jiwheyewhe ton me podọ to núhe É do dogbon béyilonme ton dali le me.” Edabla, şigba eyín yè gò mí wá Ohó Jiwheyewhe ton me, (na mí ko nọ sè dogbon enẹ lo dali), whenenu mí dóna yí Ohó Jiwheyewhe ton dopodopo sè kededilé yè wlán en dó. Enẹ lo godo we dona Jiwheyewhe ton lepo na je do mí ji.

Enewutu, mì ma dowezùn sọn amiyon me je adusi me blo, şigba mì ni note kaka je whenuena ojle lo na wá na medepope ma nado tindo modọ depope do mì go gba. Do ayi e go, yen ma to ehe do to egbé, nado dọhó poun gba. Na yen losu ton, gbọn osi de ton dali, yen ma sogan dà noviyonnu he yè ko donsepọ de to ninome depope me gba. Enewutu, oviyonnu he to linlen na alowle eton nado yín donano dóna den do novisunnu jounjoja lepo, kaka je whenuena ewo na mọ do ojle eton po asiko eton po ko wá. Podọ eyín yen do to nukon miton to egbé (yen jlo nado do, do, gbeto he tin to aihon me we mí omẹ pó), do, yen ma sogan kealoyi asi sie yín e ma yín do, yen we sunnu tintan

he donùnùgò nê, yẹn ma sọgan dà ẹ gba. Dinvie, mì sọgan dọmọ: “bé hiẹ sọgan zé atin lọ yìaga sọmọ?” Yẹn ma mọdona eyín yẹn sọgan zè e yìaga mọ gba. Şigba yẹn yón onú dopo, enẹ wẹ yín dọ, sunnu ma sọgan dó osi na asi he ko yì “ofi podọ odọn...” gba, “ofi podọ odọn...” – osi depope ma na tin to finẹ gba. Enẹwutu, na jounjoja yonnu dopodopo he jlo nado dà asú he na dó osi hlan ẹn, bo na whlá ẹ, bo ma jlo núnjijò ylankan de, ni ma biọ gbènimá depope mẹ kaka jẹ whenuena ojle lọ na wá, yèdọ ehe ewọ yónen “to Jiwheyewhe po gbẹtọ le po nukon”; kaka jẹ whenuena ewọ na yónen, dọ, “to ojle pẹvi de mẹ, yẹn na dà asú!” Yín e ma yín mọ, bé osi sunnu lọ tọn hlan ẹn na bú. Enẹwutu, e nọ dabla do asì susu dọ, asú yeton le ma sọ tindo osi de hlan yé ba. Şigba hlan asì de, oviyonnu he “ ko tin to ofi whladopo podọ to odọn whladopo” podọ “to odọn”, - podọ yẹn wẹ omẹ godogodo tọn he na dọhó, yèdọ mẹ godogodo tọn he na dọhó de.

Lala, sunnu he tindo osi mède titi tọn podọ hlan Jiwheyewhe, dóna lènnúpón hézéhézé dọ, ewọ ma na to nukun eton lépé nado to pinpón hlan mizọn-mizọn le gba, şigba ewọ na basi titò eton le, yèdọ ode bọdó ode go to gbigbọ mẹ, nado mọdona lé meyinwanna eton viwe le te to Ok-lunọ mẹ. Enọ le wẹ yín póndego de hlan mi, e ma yín onú devo depope gba. Núyiwà lọ, núplónmẹ lọ, núyónwà lọ, po onú he pò lẹpo po, onú godo tọn wẹ enẹle pọ. Na núhe Jiwheyewhe wà wẹ dagbe lọ, podọ enẹ lọ wẹ mí dóna pón hlan.

Nọviyonnu le emi, jounjoja yonnu le emi, mì ma yí whenu miton le nado to asú de din blo! Na onú he ylan taun de bo sọ sọgan gọ gbẹtọ do godo de wẹ na oviyonnu de nado wà enẹ lọ. Şigba whenuena asiko miton wá, omẹ dagbe lọ na húhú ohon miton, bọ ayiha miton losu nasọ sọgbè hẹ ẹ. Şigba omẹ dopo gě wẹ ayiha miton na sọgbè hẹ, bo ma yín na omẹ awe kavi aton gba, şigba mì dóna mọdona ehe yín aliho Jiwheyewhe tọn na gbèzán miton. Na omẹ winyanwinyan le tindo onú nele pọ to alọ yeton le mẹ, nado nògbè to alowle he yín ayajenọ

podò donanò sòn Jiwheyewhe de. Şigba yèn sò to didò hlan mì wh-ladopo dogó, dọ, gbèzán asú po asì po tòn kàn mì omẹ winyanwinyan lẹ. Enẹwutu, mì yise to yèn mẹ bo sò kẹalọyí ehe di ohó pahoname tòn de, kẹdẹdi ohó de na dagbe mítòn. Yèn sò to didò hlan mì wh-ladopo dogó, mì ma dọn mídele biọ núdepope mẹ blo eyín mì matindo kándeji to yé mẹ, dọ, omẹ he lọ wẹ Jiwheyewhe ko dè na mi!

Podò eyín yé yònen, e ma na bọawuna mí nado yígbèna núhe to jijò to azán mítòn lẹ mẹ gba. Podò dogó to azán mítòn lẹ mẹ, na winyan daho de ni hù mí. Şogan onú lẹ ko diọ, şigba Ohó Jiwheyewhe tòn ma nọ diọ gba. Mì şogan dọ, dọmọ: “Nọvisunnu Frank è, enẹ lọ tin na otọ otọ şie lẹ tòn po onò onò şie lẹ tòn po”. Podò núhe Jiwheyewhe zé na mejitọ otọ mítòn lẹ tòn po onò mítòn lẹ tòn po, Ewọ ko zé e dai na ovi lẹ po ovivi lẹ po ga. Podò do hùkàn nẹ lọ tòn ji wẹ mí dóna tò mídele do. Mì na wá yòn dagbe na mi, na mì na wá tindo dagbe to aliho mítòn lẹ ji, bọ dona Jiwheyewhe tòn na tin to aliho mítòn lẹ mẹ. Whenẹnu mí ma sọ dóhudo nado kànbio dọ: “Etewutu wẹ ehe do yín mọ bọ enẹ lọ sọ sọawúhia dó mọ”? Şigba yè wlánwé etọn dọmọ: “*Ete yoposunnu nado kló aliho etọn? Gbọn awuhio hlan ẹn dali kẹdẹdi ohó towe*” (PSALM 119:9). Podò Biblu sọ dọ to ofi, yèdọ ehe mí ko hia dọmọ: “*Na dopodopo to mì mẹ nado yón lé é do nọ zán onú zinzán etọn dó*”, e ma na yín to whihla de mẹ kavi to ninòmẹ alopa depope mẹ gba, şigba to yeyi po jijowiwé po mẹ. Enẹ lọ wẹ núhe Ohó Jiwheyewhe tòn to didò dogbọn ohóta he lọ tòn dali. Na yè ma wlán to ofi depope dọ, “na nọyionnu de ni dín asú de to yeyi po jijowiwé po mẹ” gba. Lala, şigba yonnu lọ wẹ yè nọ dín, yèdọ mẹhe yè na yí bọ ewọ na nonò whégbè, kaka jẹ whenuena azán etọn po ojle etọn po na wá.

Adavo yè payi onú nele pó go, whenẹnu wẹ gbèzán asú po asì po tòn na yín donanò bo sọ nọ şè to dagbe mẹ. Yè ma sọ dóhudo nado to yìgò-yìgò yì gba, na Jiwheyewhe ko dona whédo lọ, ewọ nasọ to donanò yín zọnmí. Şigba ninòmẹ dele tin, ehele sọ to dandanmẹ nado

yín zinzán. Podò mēdepope he to yìyì kẹdẹdi ohó Jiwheyewhe tọn, na gbèn dona, yèdọ adọkun dona tọn he họakuẹ. Eyín mēde lẹn dọ, “Yẹn na tónsọn yé mē na dẹ.” Şigba mēnu wẹ nọ wá pego nado tónsọn wh-lepón lẹ mē? Etẹwutu awubla lẹ do to sùsù sọmọ, yèdọ to asú po asì po he yín yisenọ lẹ mē ga? Na linlẹn dagbe po sisi hlan mẹnọzo po ko juwáyì, podò e nọ yín tukla nado nọnọ kòndopó mē, na linlẹn dagbe hlan mẹnọzo ko bú na yè hẹn onú lẹ do madógan mē wutu. Şigba Ohó Jiwheyewhe tọn nọ hlẹali omẹ, ewọ nọ táhinhónna mí, ewọ sọ nọ wà ẹ to onú neleş mē ga. Jiwheyewhe na góalona mí omẹ pọ, nado dọ titegbẹ dọ, jounjoja lẹ. To ninomẹ he mē, mí ko dọhó ohóta dopodopo Biblu mē tọn ji. Etẹwutu, mí nado dọhó po mēdekannu po podò gbahungba dogbọn ohóta he lọ tọn dali, kẹdẹdilé mí ko wà ẹ dọ to whẹjai he?

Whladopo dogó, mēyinwanna jounjoja sunnu lẹ emi, mì yí mì sè, na ayiha mítọn lẹpo wẹ lẹ hlan mì de. Na mí ma jlo dọ mì ni jiya gba, şigba na ayajijẹ po dona Jiwheyewhe Ganhúnupò tọn po ni jẹdo mì ji. Şigba yẹn tindo ehe to ayiha şie mē nado dọ hlan mì whladopo dogó, dọmọ: whẹpo mì nado şẹ ohòn alopa depope húhú ji, mì zán whenu susu na odẹ. Mì ma dóhudo nado hodẹ do enẹ lọ ji dẹnsólé mì ma ko dọ owhe he jẹ lọ gba. E ma yín owhe fọtòn-nukun-dopo (16 ans), kavi fọtòn-nukun-awe (17 ans) gba. Şigba sọn owhe fọtòn-nukun-enẹ (19 ans), kavi owhe kò (20 ans), mì tindo whenu nado şẹ odẹho mimọ dọ e ko dònşepọ mì... Enẹwutu, mì ma dòn mède biọ otánhó he na hẹn mì jiya mē blo. Podò whenuena mì hodẹ, mì ni hodẹ vivevive to Jiwheyewhe Ganhúnupò nukon, Ewọ nasọ siọ mì nugbonugbo. Ewọ nasọ zé núhe mì dóna wà lọ do ayiha mítọn mē, podò do ayiha mēhe jẹ lọ tọn mē nugbonugbo.

Do ayi e go, yẹn ma ko sè gbèdé dọ, jounjoja sunnu he tindo kándèji to Jiwheyewhe nukon dọ, ewọ wẹ yonnu he lọ tin na, podò whenuena ewọ na zinzonlin jẹ yonnu lọ de, yonnu lọ na wá dọ hlan ẹn, dọ, “Lala”. Şigba kándèji nẹ lọ dóna tin to fiñe. Podò Jiwheyewhe kẹdẹ wẹ

sogan zè enẹ lọ do ayiha mẹ na omẹ. Do ayi e go, ewọ ma sogan wá gbọn odlọ po onú devo de dali gba. Na odlọ lẹ tindo túnmẹ devo lẹ wutu. Podọ to ofi, mí ma to ohó odlọ tọn dọ gba, ẹgba mí to núnjijọ nugbo tọn dọ, podọ owèhèjijọ nẹ lọ tọn wutu wẹ Jiwheyẹwhe dóna góalọna mí gbọn ojòmìọn Eton dali.

Ẹgba dilé mí ko dọ dote dó, dọ: tintan, mì dóna nọtẹpọn asiko he jẹ lọ, na mì ma nado biọ tukla lẹ mẹ. To enẹgodo, whẹpo mì nado wà núde-pope, mì hodẹ whẹ bo sọ tindo kándèji de sọn Jiwheyẹwhe de. Na e ma jẹ na jounjoja sunnu de nado dopagbè na jounjoja yonnu de, to enẹgodo ewọ nasọ wá gbẹ ẹ dai. Enẹ lọ ma sọgbè gba. Ẹgba eyín yè nado wà núde, núhe mí to didọ lọ dóna yín didọ to Jiwheyẹwhe nukọn. Podọ nado dọ ẹ, yè dóna yín whinwhẹ sọmọ, ma nado dọ núde to nukuntintón mẹ. Ẹgba yè dóna dó owèhè lọ, na yè nido zé onú lẹ hẹn alọ mẹ podọ to huhlọn mẹ nado wàzọn, whenẹnu enẹ lọ na sọgbè. Na omẹ depope ma sogan wà onú mọhunkọ tọn de gba, dọ, whenuena yè dopagbè na jounjoja yonnu de, ehe sogan yín dọ yè basi to tódidó mẹ nado dà ẹ, etẹwẹ enẹ lọ na yín? Enẹ lọ ma jẹ na yisenọ lẹ lala. Enẹwutu wẹ yè dóna dónu abọẹ bo nọte kaka jẹ whenuena ojẹ lọ na wá. Whenẹnu mì nasọ tindo jlojẹ nado dọhó. Podọ whenuena mì na dọhó, na “mọwẹ” mìtọn ni yín “mọwẹ” he go yè sogan dèji do. Whenẹnu wẹ ali lọ na yín didè na gbèzán donanọ de to kòndopọ mẹ.

Yen yise dọ enẹ lọ ko góalọna mí bo sọ wà dagbena mí, to alọ de mẹ kavi to devo mẹ, hlan mí omẹ he tin to ofi lẹpo, hlan omẹ winyan-winyan lẹ podọ hlan mọho lẹ. Podọ ga, na ehe lọ nido sogan góalọna yè he ko dà yédele. Na to whepoponu, Ohó Jiwheyẹwhe tọn wẹ tindo núde nado dọ hlan mí. Eyín míwẹ sọ dó osi hlan ẹn, mí ko yín donanọ dote sọn dona Jiwheyẹwhe Ganhúnupò tọn mẹ. Na Oklunọ ni góalọna mí, bo ná mí jòmìọn, dọ, to nukonyiyi mẹ, na núhe kàn gbèmimá he lọ, na mí nido sogan nado nọtẹpọn ojẹ lọ, bo nado sogan yi Oklunọ nukọn to odẹ mẹ. Podọ núhe mí na wà lẹ ma nado yín yìgò-yìgò, podọ yè ma na

hẹn tódídó mítòn lẹ nado yì to ovò mẹ. Şigba na onú lọ ni yín wiwà to ayiha mẹ, bọ núhe mí lẹn dọ mí to didọ, podọ na mẹhe tọn ohó lọ yín nado zé e do ayiha etọn mẹ po kándèji de po ma nado hẹn ẹn bú to azán depope ji gba. Do ayi e go, mí to núhe lẹ dọ po kándèji de po. Na mẹdepope ni ma gbà osẹn lọ blo, na Jiwheyewhe na yíahósú onú neleş pọ tọn. Mí sọgan yì nukọn bo sọ yì godo to onú devo lẹ mẹ, şigba e ma yín po ohóta he lọ po gba. Na po ehe lọ po, mẹdepope matindo jloleş nado wà ehe podọ enẹ gba, şigba Jiwheyewhe dóna zé gbènimá he lọ do ayiha mítòn mẹ gbọn odẹ mẹ. Na godo he mì ko wà mọ vọ, mì na mọ dọ, gbọn ojòmìon Jiwheyewhe tọn dali, É sọgan dègbè dona Etọn tọn. Na Oklunọ ni tin hẹ mì omẹ pọ, nado dọ titegbe dọ, po jounjoja mítòn lẹ po. Bé e ma na yín onú dagbe lọ to fiñẹ, dọ, jounjoja mítòn lẹ ni hodẹ vivẹ to egbé, dọ yé omẹ pọ ni hodẹ po huhlọn yetọn lẹ po, bo nasọ dọnudo Oklunọ na Ohó Etọn Wiwé lọ podọ vivẹ lọ. Enẹwutu, mí gbọ na mí ni fónşite nado wà e!

Otọ olọn tọn È, mí mọ awúşohiamẹ Towe po dona Towe po, O Jiwheyewhe È. Dinvie, yẹn vẹ We Oklunọ, Hiẹ Mẹhe yín dodono, na ohó he lọ ni ma lẹgòdo de We ma wàzọn blo. O Oklunọ È, gbọ na ewọ ni wà ojlo Towe! O Jiwheyewhe È, gbọ na madógánnọ lẹ ni jẹgángán, na jijọho Towe ni tin to ayiha lẹ mẹ, podọ na ewọ ni dùahọlu to mí ji gbọn ojòmìon Towe dali. O Jiwheyewhe È, na jijọho Towe he lọ ni tin to asù po asì po lẹ mẹ, to whẹndo lẹ mẹ, podọ to ayiha dopodopo mẹ. Oklunọ, Hiẹ Mẹhe yín dodono, mí to vivẹ We whladopo dogó, na Hiẹ ni basi jòmìon hlan omẹ dopodopo nado yí pahonamehó Ohó Towe tọn hẹn ayiha yetọn lẹ mẹ, na mí nido yín whiwhla sọn whlepọn lẹ mẹ, sọn awubla lẹ mẹ, podọ sọn awutu lẹ mẹ. O Jiwheyewhe È, na omẹ depope ni ma lẹn dọ ewọ tindo nukonyiyi etọn to alọ ede tọn mẹ blo! Enẹwutu, Jiwheyewhe şie È, gbèzán mítòn lẹ tin to alọ Towe mẹ, podọ mí omẹ pọ dóhudo dona Towe tọn. Oklunọ È, enẹwutu wẹ Ohó Towe do dọ lé dona Towe na wá míde dó; podọ nado yín pinplán gbọn Ohó Towe dali. O Jiwheyewhe È, gbọ na ehe ni yín azán gbènimá tọn hlan joun-

jọja mítọn sunnu lẹpo po jọunjoja mítọn yọnnu lẹpo po! Oklunọ È, na ehe lọ ni dọhó do ayiha yetọn lẹ mẹ, na yé ma nado zinzọnlin to aliho yetọn titi lẹ mẹ, adavo to aliho Towe kẹdẹ mẹ. Enẹwutu, mí dọnudo We bo sọ pà We to Oyín Jesu tọn mẹ. Nise!